

Permohonan kebun bandar dibuka 2 kali setahun: DBKL

Kuala Lumpur: Dewan Bandaraya Kuala Lumpur (DBKL) memaklumkan sebanyak 45 kebun secara rasmi menjadi rakan kongsi Kebun Kejiranan Bandar LA21KL.

Secara dasarnya, pihak berkuasa tempatan itu juga tidak menghalang penduduk mengusahakan kebun dalam bandar selagi ia tidak menyalahi mana-mana peraturan dan mendatangkan kerosakan.

Unit Media Jabatan Pe-

rancangan Korporat DBKL berkata, semua kebun yang diangkat secara rasmi sudah melalui proses permohonan, penilaian dan lawatan tapak mengikut prosedur seperti ditetapkan dalam Panduan Pelaksanaan Kebun Kejiranan Bandar LA21KL.

"Permohonan untuk mengusahakan kebun bandar akan dibuka dua kali setahun iaitu pada Januari hingga April dan Julai hingga Oktober," katanya dalam

satu kenyataan kepada Harian Metro.

Menurutnya, bagi jenis tanaman untuk setiap kebun bandar, ia bergantung kepada pengusaha kebun itu.

"Antara tanaman yang paling kerap ditanam adalah sayuran seperti terung, timun, bendi, bayam dan kangkung.

"Herba seperti pegaga, ulam raja, bunga telang, daum kesum, daun pandan, kunyit dan bunga kan-

tan serta buah-buahan seperti rambutan, nangka dan durian bagi kawasan-kawasan yang dibenarkan," katanya.

Beliau berkata, antara kebaikan dan hasil diperoleh menerusi Projek Kebun Kejiranan Bandar adalah meningkatkan minat dan kesedaran terhadap pertanian bandar, terutama dalam kalangan komuniti untuk penglibatan diri secara komersil dan sepenuh masa.

"Mewujudkan perpaduan

melalui jaringan hubungan komuniti, industri dan pihak berkepentingan demi mewujudkan suasana persekitaran yang bersih dan indah serta mengamalkan gaya hidup yang sihat dan mampan dengan penggunaan ruang yang optimum.

"Membantu menambah pendapatan sampingan melalui hasil kebun serta mengurangkan perbelanjaan dapur juga manfaat daripada inisiatif ini.

"Selain itu menjadikan

model kebun kejiranan bandar sebagai produk pelancongan, penyelidikan dan pendidikan kepada komuniti setempat dan luar," katanya.

Bagi DBKL, inisiatif kebun dalam bandar akan menyokong meningkatkan sekuriti makanan dalam kalangan komuniti bandar serta memenuhi komitmen bagi menyumbang kepada kadar pengurangan karbon dan mengadaptasi perubahan iklim.